

GOBIERNO ODUBER II TABATA MUCHO HULANDA - MINDED

ORANJESTAD (AAN): Aina por corda con e lider di Partido PPA a yega di expresa un biaha, cu ex-Prome Ministro Nel Oduber semper ta bay "mucho tras" di e Hulandesnan.

Gobierno a mostra cu nan tin indicacion cu ex-Prome Ministro Nel Oduber tabata prefera expertonan Hulandes envez di esnan Arubano, y semper ta gusta sigui loke Hulandesnan bisa al pie de la letra.

Pa loke ta trata e parti Financiero, ora cu semper Ministranan di Hulanda ta

BANCO CENTRAL TA SOSTENE MANEHO DI GABINETE AVP/OLA

ORANJESTAD(AAN) Den su ultimo relato di cuartal Banco Central a señala entre otro cu gobierno mester reduci su inversionnan, reduci su gastonan di personal.

Los di esaki Gabinete AVP/OLA a fiha su maneho y ta resulta di ta haciendo exactamente esaki. Esta reduci su gastonan coriente y di inversion.

En total AVP/OLA a reduci e gastonan aki cu casi 100 milyon florin pa otro aña.

"No ta coincidencia", un experto financiero a laga sa. "Un bon maneho financiero di gobierno cu ta encera reduccion di su actividad financiero, dunando espacio na sector priva ta netamente loke Aruba tin mester awor aki.

Esaki tabata ser spera esaki di gabinete Eman cu den pasado tabata sa con pa sincronisa su maneho cu necesidad di pais na e momento ey.

Inverti ora pais ta rekiri esey pa stimula economia y restringi su mes ora sector priva ta invirtiendo. Un bon maneho!"

bini, ta parce mescos cu ta Sinterklaas ta bini y Gobierno ta sinta pidi pa cos aki, pidi pa cos aya.

"Esey nos a elimina totalmente for di mesa," Henny Eman a declara durante e conferencia di prensa semanal. Gabinete Eman ta papiando riba un relacion financiero completamente nobo, y door di esey e topiconan di combersacion den futuro tambe lo ta otro compara cu esun cu tin aworaki. Hulanda tambe a acepta cu mester bini un acuerdo riba e tipo di cooperacion nobo cu ta basa riba e fundeshinan aki.

A amplia cu Voorhoeve riba Guardacosta, pasobra Aruba ta un pais chiquito cu tin un responsabilidad grandi den combati criminalidad internacional. Ora cu ta papia cu ta cooperando cu otro riba tereno di Justicia y pa combati criminalidad, mester tin un aparato aki na Aruba cu ta muestra pafor cu

bo tin berdaderamente un instrumento pa combati esaki.

No ta posible pa kere cu Aruba y su tamaño cu e tin, por "setup" algo di su mes cu tin e forza ey.

Ta na 1987-1988 caba Gabinete Eman a bay Hulanda y Merca pa bisa nan, cu Aruba no ta causante di e criminalidad di mas importante riba tereno internacional cu ta traficacion y labamento di placa.

E mercadonan cu ta Merca y Europa, hunto cu e productoman di Sur America ta e causantenan. Si nan malusa Aruba como punto di traspaso, e ora e isla aki no ta culpable.

Pa tal motibo a bay Merca y Europa pa exige di nan pa bin coopera pa conhuntamente setup algo. Pesey e PB-1 cu tin, a ser poni riba condicion. Hulanda a duna Aruba esaki, pero Gabinete Eman a bisa cu nan no kier e boto riba su mes, y ta solamente si PB-1 bay den con-

texto di cooperacion Europeo, Mericano, Arubano, etc., e ora por acepta e boto.

E tempo ey Hulanda y Merca tabata dedica gran parti di nan energia den defensa pa combati comunismo, etc., pero no tabata haci mucho pa combati e berdadero enemigo di pueblo, esta droga. Droga no tabata worde combati haciendo uso di aparatonan asina desaroya y sofisticada.

E tempo ey a bini un cambio den opinion Hulandes y Mericano, y a cuminsa setup un Guardacosta, den cual a involucra Polis, Douane, etc. Lamentablemente esaki a ser para door di Ministro di MEP.

Tabata tin jeepnan vigilando constantemente rond di costa di Aruba, pero tur esaki Ministro Hendrik Croes a stop. Awor algun luna pasa e Ministro di Justicia di Gobierno oduber a entama henter un proceso pa

Guardacosta nobo.

"Nos no kier un guardacosta Hulandes of Arubano! Pero si nos kier uno, di cual e.o. Merca y Venezuela tambe ta parti di e setup."

Ministro Tico Croes a splica cu nan ta inventariando pa mira con cos ta bayendo den mundo di Finanzas na Aruba.

Nan por a mira di e inventario, cu por ehemplo den e ultimo añanan e gastonan pa Aruba riba asistencia tecnico di Hulanda a subi cu casi 4 biaha! Esaki a yega na un suma riba presupuesto di 14 milyon Florin.

Hopi enberdad ta puntra si acaso Gobierno Oduber II tabata tin confianza den expertonan Arubano!

E gasto di salario pa e asistencia tecnico aki ta come hopi, y pa tal motibo esaki a keda como un punto hopi straño pa Gobierno Oduber II cu ta cana gaba tur caminda bisando cu nan ta e unico gobierno pa pueblo.

KESCHI SI, PERO GEEL NO!!!



TELEFONNAN
DI DIARIO
26747
FAX
28551